

Apstiprinojota
Latgalīšu kulturys bīdreibys valdis sēdē 2021. goda 31.augustā.

Nikodema Rancāna bolvys Latgolys izcyluokajim pedagogim nūlykums

1. Vyspuoreigi nūsacejumi

2021. gods 26. septembrī (piec vacuo kalendara – 13. septembrī) paīt 151 gods kai dzims izcylais katuoļu goreidznīks i pedagogs, Latgolys pyrmuos atmūdys darbinīks, monsinjors Nikodemus Rancāns (1870–1933). Lai gūdynuotu juo īspāideigū davumu Latgolys kulturā i izgleiteibā, Latgalīšu kulturys bīdreiba īdybynovuse Nikodema Rancāna bolvu Latgolys izcyluokajim pedagogim. Itei bolva teik daškieta reizi godā pyrmsškolys audzynuotuojim, vyspuorejuos i pamatzgleiteibys īstuožu školuotuojim, kai ari augstuokūs i videjūs profesionalūs vuiceibu īstuožu pedagogim par īguļdejumu vuiceibu dorbā, latgaliskuos kulturys i tradiceju īaudzynuošonā jaunajā paaudzē.

2. Konkursa mierkis

Konkursa „**Nikodema Rancāna bolva Latgolys izcyluokajim pedagogim**” (tuoluok tekstā – Konkurss) mierkis ir styprynuot pedagoga profesejis prestižu i atpazeistameibu sabīdreibā, gūdynojūt izcylu veikumu pedagogiskajā darbeibā i veicynojūt latgaliskuos kulturys tradiceju īaudzynuošonu jaunajā paaudzē.

3. Konkursa reikuotuoji

Latgalīšu kulturys bīdreiba (tuoluok – LKB) kūpā ar sadarbeibys partnerim.

4. Konkursa nominacejis

4.1. Pīmynūt monsinjora N. Rancāna daudzveideigū pedagogiskū i sabīdryskū darbeibu, konkursa laureatim bolvu daškir itaiduos nominacejuos:

4.1.1. par latgaliskuos vidis radeišonu i latgaliskūs vierteibu saglobuošonu i styprynuošonu **pyrmsškolys** izgleiteibys īstuođēs;

4.1.2. par īguļdejumu i sasnāgumim latgalīšu volūdys, kulturviesturis i nūvoda vuiceibys īvīššonā i īdzeivynuošonā **školys** vuiceibu vidē;

4.1.3. par sasnāgumim latgalīšu volūdys, literaturys i kulturviesturis īdzeivynuošonā **augstuokuos izgleiteibys īstuođis** studeju vidē;

4.1.4. par radūšu i psihologiski atbolstūšu pīeju attuolynuotūs vuiceibu ci studeju laikā;

4.1.5. par školys dorba kolektivu motivejūšu i prasmeigu attuolynuota dorba organiziešonu (aicynojam pīsaceit izgleiteibys īstuožu vadeituojus);

4.2. Vysuos nominacejuos pretendentim aicynojam paruodeit modernūs tehnologeju dalītuojumu vuiceibu dorbā. Apsveicama jaunu metožu i pīeju, strategeju, metodiskūs dorbu izstruode, publikacejis, pīredzis popularizeišona, dorbs ar vacuokim i c.).

4.3. Vysuos nominacejuos pretendentim tiks daškierti papyldu punkti pi izviertiešony, ka vuiceibu process teik organizāts ari latgalīšu volūdā.

4.4. Ka nominacejā ir dasaceiti mozuok par 3 pretendentim, tei nateik virzeita izviertiešonai.

4.5. Žureja, sovstarpeji vīnojūtīs i bolsojūt par sovu lāmumu, var nadaškier bolvu kaidā nu nominaceju voi ari daškier papyldu bolvys asūšuo bolvu fonda ītvorā.

4.6. Izviertejūt pretendentus, konkursa reikuotuoji var daškier vīnu nominaceju, kas nav pīmynāta nūlykuma 4.1. punktā.

5. Konkursa reikuošona

5.1. LKB izsludynoj konkursu Izgleiteibys un zynuotnis ministrejis, Rēzknis Tehnologeju akademejis sātys lopā, Latgalīšu kulturys bīdreibys sātys lopā: <http://latgalisubidreiba.mozello.com/>, portalā lakuga.lv, īspieju rūbežūs ari Latgolys planavuošonys regiona i Latgolys pošvaldeibu sātys lopuos, kai ari cytur, informej Latgolys regiona školys (t. sk. profesionaluos i bārnu duorzus), augstuokuos vuiceibu īstudijs par pedagogu dasaceišonu **da 2021. goda 20. septembra plkst. 12:00**.

5.2. Bolvys pretendentu konkursam juoīsnādz dasacejumu (1. dalykums). Dasaceituojs var byut:

- 5.2.1. školys/ izgleiteibys īstudijs vadeiba;
- 5.2.2. školys prezidents voi studejūšūs pošpuorvaldis vadeituojs;
- 5.2.3. vacuoku komitejis puorstuovs;
- 5.2.4. navaldeibys organizacejis (NVO) puorstuovs.

6. Viertiešona i uzvarātuoju apbolvuošona

6.1. Īsnāgtūs prīšklykumus par apbolvuošonu izskota i lāmumu pījam ar LKB lāmumu izveiduota žureja.

6.2. Žureja, piec kandidatu izviertiešony, apbolvuošonai kotrā nominacejā izvyrza vīnu ci vairuokus nominantus. Lāmums teik pījimts, par kotru nominaceju bolsojūt. Bole sim sasadolūt, izškirūšais ir komisejis prīšksādātuja bolss.

6.3. Kotrā nominacejā var tikt daškiertys veicynuošonys bolvys.

6.4. Ka kaidis nu žurejis dalinīku ir teiši voi nateiši saisteits ar kaidu nu nominacejai izvierzeitūs pretendentu (var izaveiduot interešu konflikts), jis napīsadola attīceiguos nominacejis izviertiešonā.

6.5. Konkursa uzvarātuoji teik paziņuoti tradicionalajā Nikodema Rancāna bolvys padūšonys pasuokumā, reikojūt pasuokumu kaidā nu Latgolys pošvaldeibu. 2021. godā pasuokums nūtiks 26.septembrī (svātdiņ) Rēzknis Tehnologeju akademejā.

6.6. Konkursa uzvarātuojim padūd piec eipaša meta darynuotu bolvu. Atkareibā nu bolvu fonda leluma var tikt daškiertys ari cytys bolvys.

6.7. Konkursa uzvarātuojim ir pīnuokums nuokamuo vuiceibu / studeju goda garumā pasadaleit pīredzē ar kolegim Latgolys regionā, reikojūt vysmoz vīnu publicitatis pasuokumu.

1. dalykums

PRETENDENTA DASACEJUMA VEIDLOPA

Nikodema Rancāna bolvai Latgolys izcyluokajim pedagogim

1. Pretendents (vuords, uzvuords)

Tuoļr.numurs: _____ e-posts: _____

2. Puorstuoveituos īstudijs nūsaukums (pīmynūt ari nūvodu voi piłsātu)

3. Pretendenta specializaceja

4. Pretendenta pedagogiskuo dorba stažs

5. Eiss pamatuojums pretendenta dasacejumam, uzskaitūt sasnāgumus, definejūt izcileibys aplīcynojumus pedagogiskajā darbeibā, atkluojūt pajiemīņus, kai tyka organizāts dorbs attuolynuotūs vuiceibu laikā

6. Ka ir īspiejams, davīnojīt nūruodi iz kaidu publicitatis olūtu, kas apstyprynoj pretendenta veikumu (nūruode iz publikaceju, prezentaceja i. c.)

7. Pretendenta dasaceituojs (škola, augstuokuos izgleiteibys īstude, bīdreiba, vacuoku komiteja, pošpuorvalde voi individuali):

Tuolruņs e-posts

<i>Aizpylda Latgalīšu kultury bīdreiba</i>	<i>Registrējis datums un numers</i> Sajimts: 2021. goda _____ Numers:
--	---

Konkursa dasacejumu pījimšona nūteik da **20. septembra plkst.12:00**, aizpiļdeitu anketu syuitit iz e-postu: latgalisubidreiba@gmail.com